

597. fundur

Föstudaginn 5. febrúar 2016 var haldinn fundur í nefnd skv. 87. gr. 1. nr. 99/1993 í atvinnuvega- nýsköpunarráðuneytinu.

Þessir voru mættir:

Ólafur Friðriksson formaður ANR
Sigurbjörg Stella Guðmundsdóttir ANR
Benedikt S. Benediktsson FJR
Kristín Sigfúsdóttir ANR ritari

1. Lagðar voru fram fundargerðir 595 og 596, samþykktar án athugasemda.
2. Tekið var fyrir erindi Samasem ehf dags. 2. febrúar 2016 þar sem beðið var um tímabundna opnun á tollkvóta vegna bruna í gróðrarstöð sem framleiðir rósir. Hætta væri því á að skortur og/eða fyrirsjáanlegur skortur yrðu á rósum þar sem íslenskir framleiðendur gætu ekki annað eftirspurn en stórir söludagar væru framundan. Rætt var um erindið og lögð fram svör frá framleiðendum og dreifingaraðilum þar sem kom fram að fyrirsjáanlegur skortur sé á rósum næstu vikur. Var ákveðið að senda eftirfarandi drög að (1.) breytingu á reglugerð nr. 1091/2015 til umsagnar:

Með vísan til 4. mgr. 87. gr. laga nr. 99/1993 um framleiðslu, verðlagningu og sölu á búvörum, sendir ráðgjafanefnd um inn- og útflutning landbúnaðarvara eftirfarandi drög að tillögu að (1.) breytingu á reglugerð nr. 1091/2015 um opnun á tollkvóta á rósum sem nefndin hyggst leggja til við ráðherra:

	Vara	Tímabil	Vörumagn	Verðtollar	Magn­tollar
Tollskrárnúmer.:			kg	%	kr./kg
0603.1100	Rósir	09.02.-06.03.16	ótilgr.	30	0

Rökstuðningur: Samkvæmt upplýsingum sem nefndin hefur aflað er útlit fyrir að framleiðendur á rósum muni ekki anna eftirspurn á næstu vikum vegna bruna sem varð í einu af gróðurhúsum landsins sem framleiðir rósir, en nú fara í hönd stórir söludagar (valentínusardagur og konudagur), sbr. 2. mgr. 65. gr. A búvörulaga nr. 99/1993.

3. Tekið var fyrir erindi frá Íslenskum matvörum ehf., dags. 1. febrúar 2016 þar sem fram kemur að skortur og/eða fyrirsjáanlegur skortur sé á nautakjöti aðallega lundum, hrygg- og lærvöðvum. Sendur var tölvupóstur til framleiðenda og dreifingaraðila til að kanna stöðu markaðarins. Rætt var um erindið og ákveðið að afla skuli frekari upplýsinga áður en endanleg ákvörðun verði tekin.

Fleira ekki gert og fundi slitið.